

共同經課 - 1

撒母耳記上十七章三十二節~四十九節

32 大衛給掃羅講：「人毋免爲著彼人來失膽。你的奴僕欲去及彼個非利士人交戰。」33 掃羅對大衛講：「你袂會去抵敵此個非利士人及伊交戰；因爲你的年歲猶久少，伊對少年就學習戰事。」34 大衛給掃羅講：「你的奴僕給老父顧羊的時，有獅抑是熊來，對羊群中咬羊仔去。35 我就趕伊，拍伊，救羊仔出伊的嘴。伊起來欲共我，我就晷伊的嘴下斗，拍死伊。36 你的奴僕曾拍死獅及熊，此個無受割禮的非利士人，也欲親像in的一隻，因爲伊藐視永活上帝的軍隊。」37 大衛閣講：「耶和華救我脫離獅的爪及熊的爪，伊也欲救我脫離此個非利士人的手。」掃羅給大衛講：「你去啊，耶和華欲及你佇啲。」38 掃羅就用伊的軍服互大衛穿，用銅的頭盔互伊戴，閣互伊穿戰甲。39 大衛用刀繕佇軍服，試行看啲；因爲毋會穿著，大衛給掃羅講：「穿諸個我行袂去，因爲毋會穿著。」40 大衛就褪起來。伊手抬枋仔，閣佇山坑仔揀五塊光滑的石卵，下佇袋仔，就是顧羊的人所帶的囊；手提甩石的索仔，就行倚彼個非利士人。41 彼個非利士人也愈行倚大衛，揸牌的行佇伊的頭前。42 彼個非利士人抬起來看，看見大衛，就看輕伊；因爲伊少歲，色緻赤，面貌好看。43 彼個非利士人給大衛講：「我豈是狗嗎，你才抬枋仔來我遮？」非利士人就指家己的上帝咒詛大衛。44 彼個非利士人閣給大衛講：「你來我遮，我欲用你的肉互空中的飛鳥及田野的野獸。」45 大衛對彼個非利士人講：「你來倚近我，是用刀用槍用戟；我來倚近你，是用萬軍耶和華的名，以色列軍隊的上帝就是你所藐視者。46 今仔日耶和華欲將你交佇我的手。我欲拍死你，剖你的頭殼，今仔日我欲將非利士軍兵的身屍互空中的飛鳥、地上的野獸，互普天下的人攏知以色列有上帝；47 閣互諸個歸群的人知耶和華救人，毋是用刀也毋是用槍，因爲交戰的事在佇耶和華。伊欲將恁交佇阮的手。」48 彼個非利士人起來，進前近倚欲接大衛。大衛也趕緊走去，向軍隊欲接非利士人。49 大衛伸手入袋仔內提一塊石仔出來，用索甩去，射著非利士人的頭額，石仔沈入頭額，伊就倒落去，面仆佇地裡。

共同經課 - 2

詩篇九篇九節~二十節

9 耶和華閣欲做受壓迫的人的高台，佇患難的時的高台。10 識你的名的人欲倚靠你，因爲耶和華，你未曾棄揀尋你的人。11 著謳啉倚起錫安的耶和華，將伊所行的報揚佇眾百姓的中間。12 因爲彼個查辦命案者記得in，無袂記得困苦人的哀求。13 耶和華啊，求你憐憫我；你是對死門救我起來者，著鑑察許個怨恨我的人所互我抵著的苦難。14 通互我講起你一切的好名聲；我欲佇錫安城的門爲著你的救恩來歡喜。15 列邦陷落佇in所開的陷坑；in的腳纏佇in暗靜設的羅網。16 耶和華已經顯明家己，伊已經行審判；歹人互家己的手所做的纏著。(細拉) 17 歹人欲歸佇陰府，袂記得上帝的列邦亦欲按呢。18 因爲喪鄉人的確無永遠互上帝袂記得；困苦的人的向望的確袂永永無去。19 耶和華啊，求你起來，毋通容允人卡贏！願列邦佇你的面前受審判！20 耶和華啊，求你互in驚惶；願列邦知家己不過是人若定。

共同經課 - 3

哥林多後書六章一節~十三節

1 阮及主同著磨的，亦勸恁毋通空空受上帝的恩；2 因爲伊講：「佇得著接納的時我有聽你；佇拯救的日我有幫助你。」你看！此霎是受接納的時；你看，此霎是拯救的日。3 阮一概無塞礙人，免得此個職份犯嫌；4 就是凡事證明本身合佇做上帝的差用，是佇多多吞悞、患難、欠缺、困迫、5 受拍、關監、擾亂、著磨、無暈、無食、6 廉潔、智識、寬容、仁慈、聖神的感化、無假的疼、7 真理的道、上帝的權能；用義的戰器佇左右；8 無論榮光凌辱、歹名聲、好名聲；親像騙人的，其實是誠實的；9 親像人毋知，其實多多人知；親像欲死，其實是活；親像受責罰，其實無致到死；10 親像煩惱，其實常常快樂；親像喪鄉，其實互多多人富；親像無有，其實是無毋有。11 哥林多人啊，阮向恁嘴開開，心闊闊。12 毋是對阮互恁狹窄，是佇恁的心家己狹窄。13 今恁著學此個款，家己開闊來報答阮。我講按呢是親像對家己的細子來講。

共同經課 - 4

馬可福音四章三十五節~四十一節

35 彼日已經暗，伊給學生講：「咱過來去彼旁岸。」36 in離開眾人，導耶穌就按呢落船，及in相及去；猶有別隻船及伊去。37 颶頭風大起，湧潑入船，致到船啲欲滿。38 若是伊佇船尾，倒佇枕頭啲暈。學生叫伊醒，給伊講：「先生！阮欲無命，你無要緊嗎？」39 伊就醒，責備風，給海講：「著靜靜！」風就息，也大平定。40 伊就給in講：「恁啥事許驚？恁猶未有信嗎？」41 in就大驚，相及講：「此個是甚麼人，連風及海攏順伊。」